



Super Food Plaza Cares Program ta haci donacion na Trampolin Pa Trabao

ORANJESTAD (AAN): A tuma lugar recientemente entrega di un donacion na fundacion Trampolin pa Trabao. E donacion a bin for di Super Food Plaza Cares Program na nomber di clientenan di Super Food cu a haci donacion durante henter luna di februari. Marketing manager di Super Food Plaza, Sr. Rudy Richardson a haci entrega

di e cheque na valor di Afl. 31,519.55, cu a keda ricibi pa Sra. Tanja Jovanovic y demas representantenan di e fundacion.


Trampolin pa Trabao ta un fundacion cu ta yuda esnan cu un limitacion fisico of mental na participa den nos proceso laboral y integra den nos comunidad. Nan kier yega na un bus pa asina por yuda transporta nan clientenan pa y for di trabao, cu ta un di nan problemanan mas grandi na e momento aki.

Super Food Plaza Cares Program, como tambe Trampolin pa Trabao kier a gradici tur e clientenan di Super Food cu a haci nan donacion y yuda recauda e bunita suma aki.

Tur luna e Super Food Plaza Cares Program ta escoge un otro fundacion esencial den comunidad pa yuda. Clientenan por escoge pa haci un donacion na caha y tur esnan cu duna Afl. 1.75 of mas por participa pa gana un di e 3 premionan semanal. E prome premio ta un gift card di Afl. 1.000, segundo premio gift card di Afl. 500 y tercer premio gift card di Afl. 250. Tur premio ta donacion di Super Food Plaza mes y tur donacion di cliente ta bai 100% pa e fundacion na turno. CEDE Aruba ta encarga pa verifica cu tur donacion ta worde usa pa e meta stipula. Den luna di maart ta recaudando fondo pa fundacion Bon Nochi Drumi Dushi. E fundacion aki su meta ta pa lanta e interes di muchanan pa lesa buki.

Lesamento ta forma un parti hopi importante den e desarrollo di nos muchanan y esaki por haci un diferencia grandi den e estudio y futuro di un mucha.

Fundacion Bon Nochi Drumi Dushi ta logra su meta por medio di organiza gruponan di lesamento, proyectonan audiovisual pa trece lesamento mas cerca di e muchanan, como tambe cooperacion cu otro institucionan cu tambe tin mesun meta. E invitacion ta bai na un y tur pa coopera cu un donacion na Bon Nochi Drumi Dushi e luna aki na Super Food Plaza.



GIVE AND WIN

Hunto nos por yuda nos comunidad!

Cu bo donacion di Afl. 1.75 (\$1) of mas,
bo por participa pa gana un di e 3 premionan semanal:

1st Prize:
Afl. 1000,-
Gift Card

2nd Prize:
Afl. 500,-
Gift Card

3rd Prize:
Afl. 250,-
Gift Card



Un fundacion nobo ta keda escogi cada 4 siman pa ricibi un donacion.

Pa mas informacion y reglanan di e programa aki, por fabor bishita

www.superfoodaruba.com/community

